



CONCELLO DE SADA

Concellería de Cultura, Turismo e Comercio
Edificio municipal de uso administrativo
Avda. da Mariña, 2515160 Sada(A Coruña) Tfno.: 981
620 075 Fax.: 981 621 274
<https://sede.sada.gal>

BASES DE PARTICIPACIÓN NO ROTEIRO GASTRONÓMICO “ENTROIDO DE TAPAS 2023”

A Concellería de Cultura, Comercio e Turismo convoca ao longo do ano diversos eventos gastronómicos para promover a calidade do tecido hostaleiro municipal.

Do mesmo xeito, esta serie de propostas serven para poñer en valor produtos gastronómicos de proximidade, que se relacionan directamente co tecido extractivo e agrícola local, de tempada ou con vinculación coa nosa memoria histórica como vila.

A celebración das tradicionais Festas de Entroido pode ser un momento axeitado para facelo, xa que se trata dunha festividade que xunta a un tempo a participación popular e a posta en valor dos produtos gastronómicos locais.

Por este motivo, cumprindo con competencias propias en materia de promoción económica a nivel local, en colaboración co conxunto do tecido da hostalería local, o Concello de Sada convoca un novo certame gastronómico, para completar a oferta anual de eventos destas características e poñer o foco nos produtos típicos de tempada, poñendo en valor a Reserva da Biosfera Mariñas Coruñesas e Terras do Mandeo.

1. OBXECTO

O “Roteiro gastronómico do Entroido de Tapas” é un certame gastronómico centrado na exaltación dos produtos locais e de tempada través de diversas elaboracións nos formatos de tapa, menú, prato ou ben outras propostas (sobremesas e elaboracións tradicionais, cócteles, etc.).

Este roteiro gastronómico organízase cos seguintes obxectivos:

- Promover os produtos locais a través das elaboracións propostas polos establecementos participantes



- Potenciar o turismo na localidade, mediante un roteiro gastronómico como experiencia de interese e con potencial de atracción de visitantes
- Impulsar a reactivación do sector da hostalería e difundir a súa calidade e atractivo para a veciñanza, así como para os posibles visitantes
- Incentivar a calidade e orixinalidade da oferta gastronómica local
- Consolidar eventos gastronómicos e crear unha imaxe positiva de Sada como organizadora de eventos culturais e turísticos

2. PARTICIPANTES

A proposta do “Roteiro gastronómico Entroido de Tapas”, vai destinada a todos os establecementos do Concello de Sada que desenvolven a súa actividade profesional no sector da hostalaría, en locais como bares, restaurantes, cafetarías ou con licenzas relacionadas coa restauración e a hostalaría.

3. INSCRICIÓN

Para participar neste certame é preciso inscribir ao establecemento, do seguinte xeito:

- Presentar no Rexistro Municipal (sede.sada.gal) o **boletín de inscrición** (ANEXO I) e a **ficha técnica** da receita da tapa (ANEXO II).

No caso das persoas xurídicas (empresas, entidades...), a presentación da inscrición deberá ser telemática a través do Rexistro Electrónico Municipal (sede.sada.gal), segundo o establecido no artigo 14 da Lei 39/2015 do 1 de outubro, de procedemento administrativo común das administracións públicas.

As persoas físicas (autónomas/os) poderán optar por presentar as inscricións tamén de xeito telemático (sede.sada.gal) ou ben, se o prefiren, de xeito presencial na oficina do Rexistro Municipal (horario de 9:00 a 14:00h).

- A Concellería de Comercio recibirá as solicitudes e revisará que cumpran cos criterios de calidade do evento. As inscricións correctas conformarán o listado de establecementos participantes no “Roteiro gastronómico do Entroido de Tapas 2023”.



CONCELLO DE SADA

Concellería de Cultura, Turismo e Comercio
Edificio municipal de uso administrativo
Avda. da Mariña, 2515160 Sada(A Coruña) Tfno.: 981
620 075 Fax.: 981 621 274
<https://sede.sada.gal>

- Os establecementos participantes incluíranse nun mapa de localización do roteiro, no que tamén se detallarán as propostas gastronómicas presentadas. Este mapa guiará ao público para achegarse aos establecementos candidatos e degustar as elaboracións presentadas.

4. REQUISITOS

Todos os establecementos de hostalaría do Concello de Sada que o desexen, poderán participar no “Roteiro gastronómico do Entroido de Tapas 2023” se cumpren os seguintes requisitos:

- Posuír a pertinente licenza de actividade vixente e correcta.
- Presentar como mínimo 1 tapa ou prato de cociña de elaboración libre, pero con presenza de produtos de tempada relacionados co Entroido.
- As posibles consumicións que efectúe o público participante non entran na regulación do roteiro, polo que os establecementos manterán a súa carta de prezos habitual.
- Ofertar ao público a proposta presentada entre os días 17-18 e 19 de febreiro en horario de mañá, tarde ou noite segundo os horarios de apertura de cada establecemento.
- O Concello de Sada, ofrecerá premios mediante sorteos para aqueles clientes que consuman as propostas presentadas no roteiro, para aumentar o interese público e a participación.
- Cumprir coa normativa legal vixente en materia de seguridade alimentaria en todos os procesos de elaboración das súas propostas.

PARTICIPACIÓN MÍNIMA: Para que a actividade sexa viable, debe contar cun **mínimo de 10 establecementos participantes**, no caso contrario, estas bases quedarán sen efecto, e cancelárase o evento.

5. PRAZOS

- **INSCRIPCIÓN:** dende o día seguinte ao de publicación destas bases na páxina web municipal (www.sada.gal) ata o venres 10 de febreiro.



- **CREACIÓN DE FOLLETOS E DIFUSIÓN:** dende o 7 ata o 16 de febreiro.
- **ROTEIRO:** 17, 18 e 19 de febreiro nos horarios de apertura de cada establecemento.
- **SORTEOS:** Luns 20 de febreiro ás 12:00h. na Capela de San Roque (Praza de San Roque s/n, Sada).

6. PREMIOS

A Concellería de Turismo organizará varios sorteos para incentivar a participación e aumentar o interese e afluencia da veciñanza e de visitantes doutras localidades. Para facelo, distribuiranse aos establecementos participantes rifas para que as entreguen á súa clientela coas tapas presentadas no Roteiro.

Os premios consistirán en:

- 1 Cea por valor de 100€ nun dos establecementos participantes inscritos.
- 2 Vales por valor de 50€ cada un para consumicións nos establecementos participantes inscritos.
- 5 Vales por valor de 20€ € cada un para consumicións nos establecementos participantes inscritos.

Unha vez finalizados os sorteos, as persoas gañadoras poderán recoller os vales das consumicións na Oficina Municipal de Información Xuvenil OMX Sada (Av. Da Mariña, 46) de luns a venres de 9:00 a 14:00 e de 16:00 a 18:00h.

As persoas premiadas deberán indicar o establecemento onde empregarán o vale premiado.

7. DIFUSIÓN

O Concello de Sada deseñará o cartaz e o mapa do “Roteiro gastronómico do Entroido de Tapas 2023”, incluíndo a identificación de todos os establecementos participantes. A Concellería de Promoción Económica financiará a impresión dos soportes físicos e o seu reparto entre os establecementos inscritos no certame.

Para a campaña de difusión, o Concello promoverá o Roteiro a través da súa páxina web, App de Turismo e RRSS (Facebook, Instagram,



CONCELLO DE SADA

Concellería de Cultura, Turismo e Comercio
Edificio municipal de uso administrativo
Avda. da Mariña, 2515160 Sada(A Coruña) Tfno.: 981
620 075 Fax.: 981 621 274
<https://sede.sada.gal>

Twitter). Ademais, enviará información á prensa comarcal e colocará material gráfico en puntos estratéxicos de Sada e nas pantallas municipais de información pública, anunciando o evento.

8. ACEPTACIÓN DAS NORMAS

A inscrición implica a aceptación de todas e cada unha das normas contidas nestas bases de participación e, en particular, os seguintes compromisos:

- Servir as propostas presentadas a concurso durante os días programados
- Manter en sitio visible para a clientela as propostas ofertadas e o material gráfico da campaña.
- Manter o prezo de acordo a súa carta de prezos.

Sada, na data da sinatura dixital
O Concelleiro de Cultura, Comercio e Turismo,

José Luis Tellado Villares